

Te taata 'toa, e ere te Tavana e te haava, o tei hanaaro i te hoe hohoa o tei enei *vea*, afaau mai ia e 3 farane no na avae'etoru.

Faaau mai ia Tepito te nenei parau i Papeete.

TE VEA NO TAHITI.

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha toa.

O te feia hoo taata, e te mau taata e haapao i te tau raa taata, e tia ia ia nenei aloa hia ta ratou mau parau faaite i roto i renei *Ve'a*, ia afaau mai ratou i farane no te reni hoe.

Faaau mai ia Tepito te nenei parau.

PAEAU PARAU NO TE HAU.

HAAVA RAA A TE MAU TOOHITU.

E te Tavana, te Auvaha o te Emepera.

IA ORA NA OE.

Te faaite atu nei matou ia oe i te ohipa i rave hia e matou i teienei mahana 21 no Me 1853. I te toa ra ia Faraataza e te moua o Mataitifau, o tei maro hia e Turaivaru e Puhara e o Papaurara, e tupuna anae aloa to ratou tumu; ua faaroo matou i ta ratou mau parau no te fenua i uta e te toa i tai, e ua hope roa ta ratou mau parau i te haapao hia e matou e ua ui hia te mau ite no taua man fenua ra. E ua faaite mai ratou i ta ratou parau no taua mau fenua toa ra, teie te mau ite i faahoreo hia, o Ootoo, o Pito, o Faaripo, o Piapa, e o Mairuai. Ua haapao matou i te ture XXXI, i te paeau n, e te irava 9, ua haapao matou i ta ratou parau e ua tufa hia teienei fenua no na fatu maro nei. Ua oti roa ia matou i roto i teienei fare toroa.

Te mau Toohitu :

Papahia : TAAMU, NUUTERE, TA-RIURU, HAEREOTAHU, TAIRAPA, peretiteni, MARE, auvaha ture. VAHIA, papai parau.

APOO RAA IRITI RAA TURE.

Ua faaite e hia 'tu to Tahiti e to Moorea 'toa, e ei te mahana 15 o teienei avae o Tiunu nei, e iriti hia 'i teienei apoo raa; e oia mau atura hoi. E oroa faahiahia rahi roa taua oroa ra, e no reira matou i tamata 'i i te faaite atu i to te mau mataeinaa, i te huru o te mau ohipa i rave hia i taua mahana ra.

I mua iti ae i te hora 2 i te taba raa mahana i taua mahana 15 o Tiunu ra. oia hoi te mahana toru i mairi aenei, ua haaputupu te mau raatira 'toa, to te nuu manua, e to te nuu faehau i roto i te fare o te Auvaha o te Emepera, e ua nanai maite hia hoi te mau faehau i mua mau ae, i tahi iti e i tahi hiti o te purumu. I te hora piti mau, haere atura te Tavana, ma tona tau e'e, e te mau raatira 'toa i o te Aarii vahine, e aratai iana i te iriti raa i taua Apoo raa ra. E i to raua ia reva raa, ua haruru maira na pupuhi e 21, ei faahanahana i to raua tere.

I to raua tae raa i te uputa o te fare pure raa, ua farii hia maira raua e te auvaha ra o Paraita, e na iriti ture tino ahuru, o tei haapao hia no tei reira ohipa. E i te tomo raa ia raua i roto i te

fare na tia paatoa maira to te Apoo raa 'toa i nia, e tae noa 'tura i to raua noho raa i nia i te vahi i haapao hia no raua, te tane a te Aarii, e na e'e o te Tavana.

E mea faahiahia rahi roa te putupu raa i taua mahana ra. O te fare pure ra hoi, ua faaunauna maite hia ia, i nia i te faue raa a te e'e o te Tavana; tei tuu hia i niaho i te mau haapao raa tabiti, ua faaati maite hia i te reva o te mau fenua 'toa, e ua tatai hia te tiare e te raa rii unauna e ali noa 'e. Te noho raa hoi o te Auvaha o te Emepera ra, e to te Aarii vahine, ua tapoi maite hia i te reva, te reva farani e te mau reva o te Hau Tamaru nei. Te mau raatira 'toa hoi, e te feia iriti ture, ua ahua anae ia i te ahua nehenehe.

I reira ihora te haamata raa hia o taua oroa ra. Ua haaputupu, na hoi te orometua ra o Otomoni i te mau tamarii o te haapii raa i roto i te tahua i nia, e i reira to ratou himene raa mai i te himene i haapao hia, e ua pure maira hoi o Otomoni.

Ua faaue ihora te Aarii vahine i tana tane, ia Aarii faaite, e e taio mai i tana parau. E i muri ae i tei reira, ua taio maira te Auvaha o te Emepera i tana parau, o tei faariro hia ei paraa tahiti e te auvaha faaite ra e miti Darling. Ua nenei hia taua na parau ma'amarama e te maitatai ra i roto i te Vea no te tapati i mairi aenei. Ua rahi roa ra te poupu o to te Apoo raa taata i te faaroo raa i te parau a te Auvaha o te Emepera, e e ore roa farani e faarue noa mai i teienei mau fenua, e tauturu maite mai ra iana e amuri noa 'tu, e e imi aloa i te man ravea e maitai ai, e taata hia 'i, e e ruperupe ai te mau fenua Totaiete atoa.

Ua pahono mai te Toohitu ra o Nuutere i ta raua parau. E parau itoitaitai maitai tana, e te maramarama. Ua faaite papu oia i te maururu o to te Apoo raa i te ite raa 'tu i te Tavana i te tae raa mai i rotopu ia ratou, to ratou poupu i te mau parau maitatei taua i faaite mai, e to ratou opua raa. e e pee maite i taua ra ao raa. Ua tia paatoa hoi to te Apoo raa i nia. e faatia i tana parau e ta te Aarii vahine. Faahoreo iho ra te Auvaha o te Emepera i te mau iriti ture api. Ua vahi oia ite Apoo raa iriti raa ture note matahiti 1853, ua himene faahou mai te mau tamarii, e hoi atura te Aarii vahine e te Auvaha o te Emepera i te utuafare. Ua poupu te taata toa i te mau ohipa 'toa i rave hia i taua mahana ra.

Opani hia ihora te Apoo raa ite hora 4 i te ahiahi.

Apoo raa no te mahana 16 no Tiunu 1853.

I teienei mahana, ua haaputuputu te Apoo raa i raro ae i te peretiteni raa a te peretiteni tahito ra a Tati. Ia oti te pure raa, maiti ihora te Apoo raa i te hoe peretiteni no teienei matahiti api; e no toratou ite ite rahi o te matahiti e te paruparu o Tati, a haamanoa noa'i ra hoi ratou i te itoitou o Tati i na matahiti i mairi aenei, ua maiti ratou ia Tairapa ei mau i taua toroa ra, no te mea, te vai itoitou nei a oia, aita ra ratou i haamoe noa'e ia Tati, ua maiti ra iana ei peretiteni tauturu.

Ua maiti atoa hia hoi o Maheanuu, o Vahia, o Pee, e o Tuuhia ei na papai parau.

Imi rii ihora to te Apoo raa i te mau parau rii e au no te maitai o te fenua nei; e i muri aera, ua apani hia ihora te Apoo raa i te hora 4 i te taha raa mahana.

Apoo raa i te mahana maa, 17 no Tiunu.

Peretiteni raa o Tairapa.

I te avatea mau i afa'i te Apoo raa.

O te ohipa i haapao hia no teienei mahana, o te hiopoa raa ia i te tia raa, o te maiti raa o te feiai riti ture.

Ua huru tia paatoa te maiti raa i te mau iriti ture atoa, e tae noa'tura i te mataeinaa ra o Faahiti. I reira ihora ra te tia raa mai o Mairi tane i nia, ma te parau mai e; ua haere mai oia ei mono i tana vahine, te tavana o taua mataeinaa ra. Ia imi ra to te Apoo raa, ite atura ratou e, e vahi au ore roa ia i te ture, e ua tuu ratou iana i rapae, e oia'toa hoi tehoe taata no te Tuamotu, o tei haere mai ei mono i tana tavana. Ua faaite papu atu hoi te ee o te Tavana i to te Apoo raa e; e toroa hanahana e te moa to te iriti ture, e e ore e tia ia ratou ia tono haere noa mai i te mono, mai tei au i to ratou iho manao.

Ua faahapa maite atoa hoi te peretiteni i vetahi tau iriti ture, no Papara, e vetahi atoa hoi tau mataeina no Moorea, o ratou aore i tae mai i te Apoo raa. Ua faaite atoa hoi oia e, ia ore ratou ia tae mai i mua'e i te mahana 21 o teienei avae, e faaore hia ia to ratou mau toroa, e e imi hia te mono ia ratou.

I te hora 4 i opani hiai te Apoo raa ma te pure.

FAATOROA RAA.

No te faatia raa a tona banahana, Pomare, te Arii vahine o te mau fenua Totaiete, e te Tavana, te Auvaha o te Emopera.

Ua faatoroa hia te feia i faaite bia te mau ioa i raro ae nei, ei feia toroa no te mau fenua i te Tuamotu; oia hoi:

Mataeinaa raa o Tepipi.

PAIORE, ei auvaha no te Haa Tamaru i te Tuamotu, e ei tavana no te mataeinaa ra o Tepipi.

TIPAE, ei haava no Tepipi.

RAVINI, ei haava tauturu.

TUANAPOHE, ei raatira mutoi, e ei raatira auri.

TAMUAITU, ei mutoi.

Mataeinaa ra o Putushara.

TUPAI, tavana tauturu.

TAMA, toohitu.

PAPAE, haava.

REAREA, mutoi.

Mataeinaa ra o Tekahora.

TAMUTA, toohitu.

ANAPA, haava.

TEHAPU, mutoi.

PAPANGI, mutoi.

Mataeinaa ra o Tematahoa.

KAUA, tavana tauturu.

TEPABAPU, toohitu.

FANAUPONE, haava.

TEONO, haava.

UANE, raatira mutoi, e e raatira auri.

Mataeinaa ra o Tamarie.

URUMEA, tavana tauturu.

TUPA, toohitu.

Mataeinaa ra o Tuuhora.

IE, haava.

TUATA, raatira mutoi, e e raatira auri.

TORATAHI, mutoi.

AKENA, mutoi.

PAPATA, mutoi.

Ei te mahana 1 no Me 1853 i mana'i teienei mau faatoroa raa.

Papeete, 2 no Tiunu 1853.

Te Arii vahine o te mau
fenua Totaiete,

Te Tavana, te Auvaha
te Emopera,

Papahia: POMARE.

Papahia: PAGE.

Papahia te hohoa i te fare toroa o te ee,

Te ee o te Tavana,

Papahia: BRIOT.

E poupou rahi roa to matou i te faaite faahou raa e, te vai itoitou noa nei a to te mataeinaa ra o Punaauia; ua uta mai nei hoi ratou i na haapee arahu, e piti hanere e e vauhihapa, o te mahere ite hoo hia no te moni rahi roa. Te ao noa hia' tu nei a te mau mataeinaa 'toa, e e faaitoitou atoa i te rave raa i tei reira mau ohipa maitatai e te faufaa rahi; a ore atu ai i te eu raa i te arahu anae ra, i te faaapu atoa raa ra i te fenua, te faaamu raa i te puua, e temoa, e te taja raa te uta raa mai i te maa i Papeete nei; no te mea, e mau ohipafaufaa rahi roa anae ia.

Ua uta mai nei to faaa i te ufi, o tei hoo hia aenei i nia i te pahi, e ua roa mai te moni. Te huru paari paatoa ra hoi te maa i roto i taua au haa na ratou ra, e e mahere i te rahi roa ta ratou moni i te roa raa mai. Ua oioi ratou i te faaapu raa i ta ratou au, e e oioi atoa hoi ta ratou faufaa i te roa raa mai. Ahiri te mau mataeinaa 'toa i Tahiti e Moorea i pee atoa i to ratou haapao raa, oi ore roa 'tu ia oi tapitapi noa' e i te imi raa i te maa, na te mau pahi e tapae haere mai nei.

Ua huru ore roa aenei te maio re, te haari, e te mau maa'toa e au i te taata nei, i roto i te matete; e maa iti roa tei uta hia mai i na mahana i mairi aenei. Ua itea hia hoi e, e tuala rahi roa teie e pohe haere nei i te mai. Eita'tura hoi e tia ia ratou ia tomo haere i te maa i uta i te peho, haere anae atura hoi ratou i te matete, ma te manao e, e roa rii mai te mai reira, e i naha, aita roa.

Eita roa' tu ra e tia noa' e ia faahapa' tu i to Moorea; te vai itoitou no ara hoi te feia ravaai o taua fenua ra, e te uta noa mai nei a ratou i te ia rahi roa i Papeete nei ma te tuutuu ore. Eita paha e riro ei vahi tia te parau raa e, no te itoitou anae ra ia o te tavana mataeinaa, o tei ao pinepiue atu i tona mau taata, e e imi i te ravea e maitai ai, e e taa hia i ratou; e ere e, o tei reira anae ra; te ite atoa ra ra ratou e: E ohipa faufaa rahi ta ratou, e moni rahi te roa mai, e te ite papu atoa ratou i te faufaa o te ohipa. A ui naha i to Moorea, e aita a nei i hoona maitai hia ta ratou ohipa, i na te hoi nei ratou i to ratou fenua, ma te pute ua i roa i te moni. I te mahana maa nei, e 9o tara ta ratou i roa mai no te ia, i te monire e 50, e i te mahana piti ra, e 7o ia dara i roa mai. Ia amui hia 2to dara. Mauruuru atura hoi i te faaite raa i teienei maa parau iti, no te mea, te itea papu hia nei e: o te feia e parahi veve noa nei ra, no to ratou iho ia faatau i veve ai. I teienei ra, a afai mai te maa, ia rahi. ia ore hoi to Papeete nei, e te feia e tapae mai mai te tuutuu ore. ia pohe haere noa i te poia; e ia maa'toa hia hoi ta outou na mau iriti ture.

Te mau pahi i tapae mai, mai te mahana 15 mai
a no Tiunu.

Tira toru marite o Alabama, tapena Fulkinburg, mai Califonia mai.

Tira piti o te hau o Nuuhiva, tomana Boulange.

Tira hoe no Huahine o Repe, tapena Moing, mai Huahine mai.

Tira piti o te hau o Tanemanu, tomana Mabi-re, mai Matuita mai e Ana.

Tira toru farani o Hanah, tapena Rede, mai Pomotu mai.

Te mau pahi i reva.

Tira toru Beretane o Louisa Baillie, tapena Cole, ua reva i Port-Philippe.

Te ee no te Tavana: BRIOT.